





56



D. O. M.

DE CELEBRANDA OPERATIONE
TUM IN HYDROPE
CUM IN CONCEPTIONE OVARIA.
T H E S E S
ANATOMICO-CHIRURGICÆ.



A est humanæ gentis cæca mens ut ruat in
veritum nefas, ea miserrima conditio, morbo-
rum ut innumeræ cohorti sit obnoxia. Verum
inter stupenda quæ totum orbem invadere mala,
unum è terribilissimis Hydropem novimus : cui
Artis Chirurgicæ sagacitas & industria,
mediantibus doctè consiliis, vix opitulantur.

Partes, totius-vè corporis compagem obsessas tenet, & sæpè
multos post cruciatus, dirâ mortis falce metitur agrotus.

VERUM sub multiplici specie debacchatur illud portentum.
Exurgit enim liquidi congeries aut in abdominis cavitate, aut
musculos inter & peritonæum, aliam-vè partem. E liquore ef-

fluente, vel effluxo, differentia nascitur. A parte quâ gignitur ac coalescit nomen habet. Multa de quocumque speciatim illius genere profari censemus absonum, siquidem curationis afferre modum speciei cujuslibet non sit hîc locus; attamen, antequam ad rem veniamus, proferre tantum definitiones liceat.

A N A S A R C A totum invadit corpus, hancque pituita crassa plus minus-vè peperit, inde. Pallor in ore sedet.

P A R S etiam peculiaris à fluido potest occupari, undè morbus varia usurpavit nomina. Si caput, ὑδροκέφαλος appellatur, si pectus, partis nomine donatur, si abdomen ἀσцитες nomen arrogat sibi, si in umbilicum irruat, ὑδρομυφαλος in scrotum ὑδροκήλη in vasa spermatica membranas-vè genitalium, aut aliarum corporis partium, diversè nominatur ab authoribus.

P L U R I E S elocutionibus Magistrorum artis solertiâ per insignium, rerumque nostrarum peritissimorum de hydropo cystide obductâ, personuit Academia. Scriptis non mirandis minùs quàm utilibus quotidie ditatur, & cuicumque lubebit, libris apertis, quæ famur, patebunt. Membranâ ergo peculiari illam efformari posse, nemo nobiscum ausus dissentire.

N U L L A etiam, ut opinamur, de liquidi influxu in ovaria (a); aut de ipsius foetus conceptione facili, erit controversia. Cujus quidem morbi duplicis famâ constanti celebratur possibilitas, ab existentia, & ut illum faciliùs possimus enodare, cæteris omis- sis quæ de diversis hydropum speciebus decantantur, quàm ultimam utramque partem amplectemur, & hanc ab origine primâ ducere fert animus. Quoties, antequàm face splendenti quâ illâ ætate gaudet Chirurgia, ipsa claresceret, & studio peritiamque è Pandoreâ pixide eruptum huic scientiæ addictissimi valuerint debellare monstrum, quoties, heu! parens natam, conjux conjugem, nefando cruciatu luxit ereptas!

(a) Dictionnaire de Chirurgie de Col de Villars, pag. 246.

EX ANATOMIA.

P A R T E S omnes Humani corporis Anatomicas muneris cum non sit nostri hâc in disputatione perlustrare, sed, ut via sit euntibus facilior, solum quæstioni proprias indagare, itaque eas quæ nostrum ad opus pertinent, percurremus.

C U T E M fibris membranaceis, tendinosi, nervosi implicatam, vasisque præsertim lymphaticis conspersam, elasticam, glandulis

miliaribus redundantem & sebaceis, papillis nervosis exquisitiorem, substantiâque mucosâ (a) corium omne tegente politam, ipsâmet epidermide velatam, norunt Anatomici.

ADIPOSAM membranam sic constitutam exhibent authores; ut innumerâ cellularum phalange communicantium inter se, unctuosumque succum ab arterioliis habentium intumescat. (b) Vasorum generis cuiuspiam textû mirando, musculos & ipsos fibrarum fasciculos penetrat. Cum pleurâ peritonæoque conjunctam peritus Anatomix non negabit.

MASSA (c) fibris variè configuratis in duas partes facilè distinguendis, contexta existit, quarum altera motrix carnea spissior, mollis, coloris plûs minûs-vè rubei, pallidi nonnunquam, arteriolas, venarum, nervorumque ramos habens concomites, quam ventrem appellant. Alteram gracilem videas arctam, contractam & albidam, quæ in unum quodque definit extremum ventris, & ab authoribus tendinis aut aponevrosi cognomine donatur. Quod omne propriis membranis & communibus obvolvitur. Hoc musculus vocant, & ex ipsius categoriâ decem plerumque, aliquando undecim, aut novem, aut octo, perquirenti scalpello, invenire est abdominales.

PERITONÆUM, (d) illis sublatis partibus, objicitur. Hoc benè definierimus, si textum extensionis, elasticitatisque capacissimum dixerimus; id hydrops, & graviditas pronunciant. Varia tenent ipsius productiones nomina, de quibus hîc nullatenus agendum, ad nostram utpotè thesim haud necessaria.

MANET nobis, ad ultimum, perlustrandum ovarium utrumque, & si lubet, ipsæ ad quas pertinet partes. Cum autem nostra quæstio tota in utriusque explanatione incumbat, pro viribus, illud præsertim evolvemus.

(e) SUNT illa, corpora duo albida, exilia, ovalis figuræ, in longum extensa, magnitudinis inæqualis, uteri fundi latus posterius ferè, superiusque extûs, occupantia, cui fune rotundo necnon brevi alligantur ligamento lato peritonæi productione incluso. Quorum ita se habet structura, ut exhibeat (f) congeriem & racemos complurium vesicularum lymphæ & igne in naturam albuminis concrefcente turgidularum ac sinibus suis & vasculis insidentium: quæquidem omnes fibris distinctæ tunicâ teguntur communi, cujus interiorem superficiem ramuli vasorum spermaticorum nervulique

(a) Ruisch. (b) Princ. de M. de la Faye, pag. 14. (c) Celeb. Winsl. pag. 486.

(d) M. Winslow, exposition Anatomique du Bas-ventre, pag. 500 n. 23.

(e) Idem Author, pag. 575. n. 604. (f) Bergerus, de Naturâ humanâ,

miris plexibus irrigant. Qui quidem vasculi cum hypogastricis, funibus ligamentorum latorum, meseraicisque mirum in modum communicant. Nervos à lumbaribus, sacris, sympathicoque originem ducere, explanantibus patuit.

EX CHIRURGIA.

PER Anatomicos certò ducti calles, ad agenda veniamus. Tubas Fallopius, uterum & ovaria alii demonstrarunt. Confirmavit id experimenti cadaverum inspectio. Variè variè de quocumque ratiocinati sunt authores, & adhuc de ultimæ partis usû, lis est sub judice. Naturâ nefandis Hydropisis ovaria conatibus inscia non cedere, opem artis jampridem suspirabat, cum hoc morbi genus (a) cognoverunt. Prima morbi sedes in ovo monstruosè dilatando. (b) Primum morbi punctum inextricabile. Causas à quibus habet exordium sexcentas si voluerimus enumerare, essemus infiniti. Præcipuas igitur tantùm recensemus. Æquissimâ judicii lance perpendenti internas & externas si asseramus, non repugnabit, utpotè portenti fabrica. Numero priores videntur menstrua immodica aut ipsorum suppressio, necnon fluor albus, sæpius aquæ collectio in tubis ac utero, quin etiam pravus humorum hepatis lienisque circuitus. A partu laborioso, abortu frequenti quoties provenit!

FRIGUS externum ab aëre aut aquâ, oclusio uteri, compressiones, ictus, ansam huic etiam dedere, imò vesana libido.

NONNE etiam ovariorum Hydropisis valet recenferi causa, quam à fecundato embrione (c) in ovarii aliquando rumpen-

(a) *Mémoires de l'Académie de Chirurgie, tom. 2 pag. 454.*

Historia à Chir. Joanne Gemil Observ. Edimburg. vol. 5. part. 1. pag. 336. art. 22. Ovaria potius Hydropica quàm imprægnata indicat.

(b) *Mémoires de l'Acad. de Chir. tom. 2. Remarques faites par M. Moreau sur les Hydropisies enkistées, pag. 456.*

Celeberrimus Verdier mihi ostendit ovarium sinistrum capillos, sanguinem necnon lympham continens cujus amplitudo major stupore percellerat astantes.

(c) Boehmer Med. & Anat. Prof. in Academ. Imp. Frider. Libellò Observationum rariorum Anatomicarum Histor. de Conceptione Ovaria refert.

Mémoires de l'Académie des Sciences de l'année 1703. Obs. 14. Au dessus de l'Ovaire droit d'une femme de 38 ans, & dans la cavité d'une cellule charnue, M. Littre a trouvé un corps de figure ovale, long de 10 lignes, large de 7 & épais de 4, solide, & ayant la couleur & consistance de chair, & attaché par un petit pédicule au fond de la cavité.

dis habemus. Vix enim gaudens motû foetus (a), aut extinguitur, aut ad perfectam perducitur metam. Si prius, foetû mortuo sicque facultate vitali spoliato, putrefit, & ex hâc putredine capillarium extrema debilitantur, vasisque ipsis tonum amissis, stillant aquæ ultrâ modum, fit & ipsarum incrementum stupendum; si alterum, crescente embrione, crescunt etiam liquida.

CAUSAS conceptionis in ovariis easdem ac illas quæ fiunt in utero novimus.

DIAGNOSIM hujus-ce Hydropisis hâc in quæstione celebratæ Observationes Academicæ Chirurgicæ edocuerunt. Quo laborantes, paucissimis, sæpè nullis, conflictantur doloribus. Incipiente morbo, tumor levis latus hypogastricum læsum invadit, & sensim sinè sensû mirum in modum augetur. Verùm ille tumor (b) cum ascite nequit confundi, nisi morbi nascentis præcipua effugerint symptomata, & amplissimum abdominis cavum occupaverit liquor priusquam ad ea Chirurgus attenderit. Urinæ fluunt uberius, imò eadem ac in optimæ valetudinis statu gaudente, quod non in Ascite, & quibus hoc in casû, instrumento, liquor educitur, sæminæ, solo pondere tumoris in operationis intervallis molestantur.

CÆTERUM quam in Ascite fluidum tactû nequit ita facile

(a) Frofinus in amita suæ Ovario detexit sinistro molam carneo osseam, & aperto cadavere pependens Ovarium seorsim carnea mole stipatum ad 17. libras ascendebat.

Malbrancher refert matronam 50. annorum molam osseam in sinistro Ovario 30. annos gestavisse, & D. Bolten in dextro Ovario sæminæ annorum 58. molæ cujusdam osseæ species per 28 annos in Ovario delituisse narrat. In Tract. Anglicano pag. 139. ac dissert. vateri de apparente graviditate foetus in utero indurati leguntur, nec intuitu ejusmodi diversarum vitiosarum gestationum aliorum auctorum desint observationes atque testimonia, vide Bianchum qui in Historiâ Conceptionis Ovariae nondum satis certæ, asserit pag. 164. in intimâ conceptione embrionem multo antè maturitatem veluti testiculari abortû expulsum.

Riolanus de Concept. Ovariâ Observans Antopog. lib. 2. pag. 283. 4. 5. foetum 5. uncias longum ex rupto Ovario in ventrem matris effusum describit; & Giffardus foetum sex mensium Ovario contentum prius, & elapsum deindè, extrâ partes illas sacculo contentum, per anum fuisse protrusum. Et Mercerus Med. Bitur. refert. Conceptionem Ovariam in cadavere uxoris quæstoris regii 4. à conceptû mense, ætatis 31. mortuæ, in cujus ovarium dextrum concluderat foetum in dextri lateris partem abdominis prolapsam.

Mémoires de l'Acad. de Chir. Obs. de M. Malaval, pag. 450.

Idem pag. 131. *Observ. de Mrs le Dran & Montalieu, confirmées par M. Morand.* Potest etiam hâc legi Hist. D. Durand.

(b) M. Morand l'a trouvée épaisse, gelatineuse, lourde, semblable, sans être graisseuse, aux sêces de l'huile, pag. 458.

percipi, quin etiam aquæ in cystide contentæ remotius digitorum exhibentur sensui. Nulla demùm viscera formam magis quam ovarium, circumscriptam offerunt.

QUÆ quidem symptomata in ovario fœtus crescens non supeditat, imò, * *conflictatur ægra doloribus gravissimis, languorem totius corporis percipit; nauseam, vomitus, animi deliquia, affectum spasmodicum arthritico rheumaticum, per intervalla quidem remittentem, nunquam penitus tamen cessantem, & hæc primo & altero graviditatis mense.*

In posterum tumor ventris durus pedetentim crescens, ad sinistrum aut dextrum se se extendens regionis hypogastricæ latus, cum auctâ molestâ gravitate sentitur extrinsecus, crescit etiam mingendi difficultas.

Fit indè ut non acris solùm è genitalibus profluat liquor, eâque arrodens materiâ promota, continuo stimulo nîsum, ardorem ac pressionem in uteri vaginâ excitat, verùm quoquè acerbî dolores in infimo maximè ventre, ossè sacro, lumbari & iliacâ regionibus, cum torminibus in partum quasi exituris sequantur. His itaque continuis ferè cruciatibus tumor ventris durus redditur. Accedit febris inflammatoria sævis syptomatibus de vehementiâ non remittentibus stipata, demùm convulsivi motus.

SYMPTOMATA Hydropisis ovaria primis temporibus utpotè minùs sensibilia prognosim ambiguum, tumore saliente hætenùs funestum pronuntiaverunt exitum.

QUOMINUS (a) vitam ducant longiorem minimè morbus ille obstat. In ovaria conceptione tempus à naturâ præscriptum ad operationem quâ solâ potest debellari morbus, expectandum. Præscribendo enim remedia possent.

Tenellos convellere fœtus,

Et nondùm natis dira venena dare.

ANTEAQUAM autèm manum ultimam admoveamus; tentanda esse tùm generalia cùm peculiaria remedia, non insulse concesserimus, & si tumor augeatur, repetitis remediis iisdem, dosis augeatur prudenter. Verùm omnibus in usum admissis incassum, & tumore mirum in modum augecente, ad operationem nos accingere necessum. Cum autèm accidat ut fluida simul & gelatinosa in cisto contineantur, mola-vè carnea, aut embrio,

(a) D. Tacheron Chirurgus Hydropisim Ovariam refert in puellâ mortuâ, quæ ad octogesimum octavum ætatis annum ascenderat, quæque morbo illo, vix triginta annis nata, laboraverat, & cujus tumor totum invaserat abdomen, * Boehmer.

triplex illud accidens triplicem expetit operandi normam. Si enim liquor in parte totâ sit fluidus (quod sit rarissimè) à Chirurgo, instrumento triangulari manû ipsius instructâ perforetur locus eligendus, & in abdomen tumorisque salientis cavum immisso, extrahatur acus triquetra, scitûque favente, effluant aquæ fluidiores usque ad siccitatem ferè, eâque cautione administratâ si felici quodam casû tota tumoris amplitudo effluxû liquoris dispareat, ægra in latus læsum recubet, canali triangularis instrumenti eodem in cavo manente, ut ejus ope, si quæ forent aquarum reliquiæ, guttatim exeant: cum autem cessaverit planè effluxus, foras educatur canal, locoque perforato linteam aliquo liquore spirituofo imbutum super imponatur bis aut ter, sicque fortè id morbi genus curabitur.

SED (quod sæpiùs evenit) si ovarium partim liquore fluido, partim crassiori turgeat, nihil priùs obstat quominùs eandem ac suprâ manum ad opus applicuerit Chirurgus, idque tantùm illi erit præcavendum, ut cum egressum negaverit liquor propter crassitudinem, cujus naturæ difficilis indicatio, tumore paulisper, aut nullatenùs fugientè, ad aliam operationem se accingat oportet, quam sic ritè celebraverit.

ACU triquetrà in canalem repositâ, secundùm sulcatam lineam auxilio scalpelli cutis incidatur, ex adiposâ membranâ musculisque abdominalibus quod licuerit, & in incisionem immisso digito, iteretur altera incisio quâ quod supererit aperiendum muscularium partium cum peritonæo dividatur, & sit ejus incisionis apertura satis ampla ut ovarii tumentis, quod investiganti facilè patebit, demùm incisio fiat, quâque celebratâ, inclinatâ parte abdominis, effluxus uberior gelatinosæ materiei permittatur donec nullum aut parvum ipsius remanserit vestigium (a).

AST cum ovariorum Hydropisis & imprægnatio uno eodemque tempore possint enasci, scientèr è diagnosi, non modo liquor educendus, verùm etiam corpus inclusum extrahendum, non secùs ferè ac plerùmque in incisione cæsareâ usurpatur, nullam aliam inter operandum præscribendo cautelam. Id solum animadvertimus quod incisio major necessaria sit, quam in priori casû. Quibus verò peractis, plumbeum canalem idoneum in plagam immittendum novimus, ne illa citiùs occludatur, ut liquori, materiei-vè liber permittatur aditus, & injectionibus impedimentum obstat nullum, ope quarum (quoad fieri poterit) cisti suppuratio instauretur.

(a) D. Delaporte hanc pro re natâ, tentavit operationem, *Mém. de l'Acad. de Chir. tom. 2. pag. 452.* Et in *Trans. Phil. Ang.* à D. Houston cum felici successu incisione perfecta curatio hydropis legitur in sceminâ 58. ann. natâ.

His demùm ritè & secundùm artem celebratis , quæ restant extus curanda , non secùs ac in plagâ simplici iisdem regulis arte præscriptis addicti , ad cicatricem perducemus.

At ne quis in pessimum à nobis stabilita vertat , ad experimenta in suillis & equabus quotidiana velit attendere , quibus ovaria non modo , verùm etiàm partes incisione avelluntur adjacentes. Si rustica in animalibus , quid non in homine Chirurgi perita manus ? Cæterùm non erat hæc infrequens apud Lydæos operatio. Quam avulsionem etiàm ovariorum uterique detractionem , salvâ vitâ salvas fuisse de antiquissimâ mulierum castratione apud Riolanum l. 7. 283. & 6. varia extant documenta. Et Graafius ex Wiero pag. 198. rustici cujusdam allegat casum , qui cum filiam suam Amasio clàm indulgere animadvertisset , ipsam congruè vinculis obligatam castravit.

D'Orleans
Has Theses, DEO JUVANTE, & Præside LUDOVICO-ANTONIO RAVENET, Liberalium Artium & Chirurgiæ Magistro , antiquo scholarum moderatore , necnon Nosocomiorum Castrensiũ & Regis exercitũs Chirurgus, tueri conabitur JOANNES LE BAS Aurelius, Artium Liberalium Magister , nuper in Nosocomio Charitatis Regio Parisiensi , Chirurgus Anatomicus.

P A R I S I I S ,

IN REGIIS CHIRURGORUM SCHOLIS.

Die 26^a. Januarii mensis à sesqui secundâ post meridiem ad septimam. Anno Domini 1756.

PRO ACTU PUBLICO.

ET MAGISTERII LAUREA.

Typis DELAGUETTE Regiæ Chirurg. Academiæ
 Typographi 1756.